


ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՇՎԵՔՆՆԻՉ ՊԱԼԱՏ



ԸՆԹԱՑԻԿ ԵԶՐԱԿԱՅՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՇԽԱՏԱՆՔԻ ԵՎ ՍՈՑԻԱԼԱԿԱՆ
ՀԱՐՑԵՐԻ ՆԱԽԱՐԱՐՈՒԹՅԱՆ ՄԻԱՍՆԱԿԱՆ ՍՈՑԻԱԼԱԿԱՆ
ԾԱՌԱՅՈՒԹՅՈՒՆՈՒՄ 2021 ԹՎԱԿԱՆԻ ՊԵՏԱԿԱՆ ԲՅՈՒՋԵԻ
ՏԱՐԵԿԱՆ ԿԱՏԱՐՄԱՆ ՀԱՇՎԵՔՆՆՈՒԹՅԱՆ ԱՐԴՅՈՒՆՔՆԵՐԻ
ՎԵՐԱԲԵՐՅԱԼ

ԲՈՎԱՆԴԱԿՈՒԹՅՈՒՆ

1. Ներածական մաս	3
2. Ամփոփագիր	4
3. Հաշվեքննության հիմնական արդյունքներ	5
4. Հաշվեքննության օբյեկտի ֆինանսական ցուցանիշներ	8
5. Անհամապատասխանությունների վերաբերյալ գրառումներ	15
6. Այլ փաստեր.....	23

1. Ներածական մաս

Հաշվեքննության
հիմքը

ՀՀ հաշվեքննիչ պալատի 2022թ. փետրվարի 4-ի թիվ 25-Ա որոշում

Հաշվեքննության
օբյեկտը

Հայաստանի Հանրապետության աշխատանքի և սոցիալական հարցերի նախարարության միասնական սոցիալական ծառայություն

Հաշվեքննության
առարկան

2021 թվականի պետական բյուջեի մուտքերի ձևավորման և ելքերի իրականացման կանոնակարգված գործունեություն

Հաշվեքննության
առարկայի
չափանիշները

ՀՀ Ազգային ժողովի 2016 թվականի դեկտեմբերի 16-ի ՀՕ-21-Ն օրենք, ՀՀ կառավարության 2017 թվականի մայիսի 4-ի թիվ 526-Ն որոշում

Հաշվեքննությունն
ընդգրկող

2021թ. հունվարի 1-ից մինչև 2021թ. դեկտեմբերի 31-ը ներառյալ

Ժամանակաշրջանը

Հաշվեքննության
կատարման ժամկետը

2022թ. փետրվարի 14-ից մինչև 2022թ. ապրիլի 30-ը ներառյալ:

Հաշվեքննության
մեթոդաբանությունը

Հաշվեքննությունն իրականացվել է պետական բյուջեի երեք, վեց, ինն ամիսների և տարեկան կատարման հաշվեքննության ուղեցույցի համաձայն, իրականացվել է ֆինանսական և համապատասխանության հաշվեքննություն, որի ընթացքում կիրառվել են հարցման, արտաքին հաստատման, վերլուծական, վերահաշվարկի և վերակատարման ընթացակարգեր:

Հաշվեքննություն
իրականացնող
կառուցվածքային
ստորաբաժանում

Հաշվեքննությունն իրականացվել է ՀՀ հաշվեքննիչ պալատի երկրորդ վարչության կողմից, որի աշխատանքները համակարգում է Հաշվեքննիչ պալատի անդամ Աբրամ Բախչագույանը:

2. Ամփոփագիր

Միասնական սոցիալական ծառայության 2021 թվականի կարիքների համար Կազմակերպված գնման ընթացակարգերի շրջանակներում կնքված պայմանագրերի կատարման և կառավարման փուլերի իրականացման ընթացքի վերաբերյալ տեղեկատվության ուսումնասիրությունից պարզվեց, որ առկա են անհամապատասխանություններ գնումների ոլորտը կարգավորող ՀՀ օրենսդրությամբ սահմանված պահանջների նկատմամբ:

ՀՀ Ոստիկանության անձնագրային և վիզաների վարչության և Ազգային Անվտանգության Ծառայության կողմից տրամադրված տեղեկատվության համադրումից պարզվեց, որ առկա են անհամապատասխանություններ 1205-12010 Ռազմական դրությամբ պայմանավորված՝ միանվագ դրամական օգնությունը Արցախում հաշվառված քաղաքացիներին, 1205-12016 Ռազմական դրությամբ պայմանավորված՝ Արցախի Հանրապետությունում հաշվառված և հաշվառման հասցեում գտնվող բնակելի անշարժ գույքը կորցրած քաղաքացիներին միանվագ դրամական աջակցությունը, 1205-12011 Ռազմական դրությամբ պայմանավորված՝ միանվագ դրամական աջակցությունը Ադրբեջանի Հանրապետության վերահսկողության տակ անցած տարածքներում հաշվառված քաղաքացիներին, 1205-12021 Ռազմական դրությամբ պայմանավորված՝ Արցախի վերահսկողության ներքո գտնվող համայնքների հաշվառման հասցեում գտնվող բնակելի անշարժ գույքը կորցրած չափահաս քաղաքացիներին ժամանակավոր հյուրընկալողների ծախսերի փոխհատուցման եռամսյա սոցիալական աջակցության տրամադրումը, 1205-12022 Ռազմական դրությամբ պայմանավորված՝ Արցախի Հանրապետության վերահսկողությունից դուրս մնացած համայնքներում հաշվառված չափահաս քաղաքացիներին ժամանակավոր հյուրընկալողների ծախսերի փոխհատուցման վեցամսյա սոցիալական աջակցության տրամադրումը կարգավորող ՀՀ օրենսդրությամբ սահմանված պահանջների նկատմամբ:

3. Հաշվեքննության հիմնական արդյունքներ

Հաշվեքննության ընթացքում ստացվել են բավարար տեղեկատվություն հաշվեքննության իրականացման համար:

Էական անհամապատասխանություններ և խեղաթյուրումներ չեն հայտնաբերվել, հայտնաբերված անհամապատասխանությունները խեղաթյուրումները համատարած չեն:

Աղյուսակ 1

Հայտնաբերված անհամապատասխանությունների ցանկ

Հ/Հ	Անհամապատասխանության տեսակ	Անհամապատասխանությունը
1.	ՀՀ կառավարության 2020 թվականի նոյեմբերի 16-ի թիվ 1799-Լ, ՀՀ կառավարության 2020 թվականի նոյեմբերի 18-ի թիվ 1813-Լ որոշումների շրջնականերում տրամադրված աջակցություն	Շահառու հանդիսացած անձանցից (բանկերի միջոցով իրականացված վճարումներով), Հայաստանի Հանրապետության տարածքից 118 անձանց մոտ (215 հատ վճարում) վերջին սահմանահատումը եղել է 2021 թվականի մարտի 1-ից, ապրիլի 1-ից, մայիսի 1-ից և հունիսի 1-ից առաջ: Ինչպես նաև բացակայում է ՀՀ կառավարության 2021 թվականի փետրվարի 18-ի 218-Լ որոշման հավելվածի 16.3 կետի հիմքով Արցախի Հանրապետության աշխատանքի, սոցիալական և միգրացիայի հարցերի նախարարության հերքումը և 2021 թվականի մարտի 1-ի, ապրիլի 1-ի, մայիսի 1-ի և հունիսի 1-ի դրությամբ ՀՀ-ում կամ Արցախում գտնվելու փաստի հաստատումը: Տվյալ անձանց հատկացվել է 14,623.04 հազ.դրամ (Հավելված 1.1)
		Հայաստանի Հանրապետության տարածքից 529 չափահաս անձանց մոտ (529 հատ վճարում) վերջին սահմանահատումը եղել է 2020 թվականի հունվարի 1-ից առաջ: Տվյալ անձանց վճարվել է 40,629.162 հազ.դրամ (Հավելված 1.2):
2.	ՀՀ կառավարության 2020	Հավելված 2.1-ում նշված 78 անձանց մոտ (218 հատ

	թվականի դեկտեմբերի 24-ի թիվ 2148-Լ, ՀՀ կառավարության 2020 թվականի դեկտեմբերի 3-ի թիվ 1977-Լ որոշումների շրջնականերում տրամադրված աջակցություն	վճարում) վերջին սահմանահատումը եղել է 2020 թվականի հունիսի 1-ից առաջ: Տվյալ անձանց հատկացվել է 7,230.0 հազ.դրամ:
3.	ՀՀ կառավարության 2020 թվականի դեկտեմբերի 10-ի թիվ 2021-Լ որոշման շրջնականերում տրամադրված աջակցություն	Հավելված 3.1-ում նշված անձանց մասով ներկայացված բացատրությունների համաձայն Շահառու հանդիսացած անձանցից, 8 անձանց վճարում չի իրականացվել: Իսկ Հայաստանի Հանրապետության տարածքից 23 անձանց մոտ վերջին սահմանահատումը եղել է 2020 թվականի հունիսի 1-ից առաջ: Տվյալ անձանց հատկացվել է 5,750.0 հազ. դրամ (Հավելված 3.1):
4.	ՀՀ կառավարության 2020 թվականի նոյեմբերի 21-ի թիվ 1820-Լ որոշման շրջնականերում տրամադրված աջակցություն	Հավելված 4.1-ում նշված անձանց մասով ներկայացված բացատրությունների համաձայն Շահառու հանդիսացած անձանցից, 132 անձանց վճարում չի իրականացվել: Իսկ Հայաստանի Հանրապետության տարածքից 138 անձանց մոտ վերջին սահմանահատումը եղել է 2020 թվականի հունիսի 1-ից առաջ: Տվյալ անձանց հատկացվել է 41,400.0 հազ. դրամ (Հավելված 4.1):

4. Հաշվեքննության օբյեկտի ֆինանսական ցուցանիշներ

ՀՀ աշխատանքի և սոցիալական հարցերի նախարարության միասնական սոցիալական ծառայության (այսուհետ՝ ՄՍԾ) ՀՀ 2021թ.-ի պետական բյուջեի տարեկան պլանը կազմել է 406,937,867.68 հազ. դրամ, տարեկան ճշտված պլանը՝ 468,730,439.08 հազ. դրամ: Հաշվետու ժամանակահատվածի համար փաստը 465,852,348.19 հազ. դրամ է, փաստացի ծախսը՝ 465,857,693.16 հազ. դրամ: Նախորդ տարվա նույն ժամանակահատվածում փաստը կազմել է 425,078,271.73 հազ. դրամ, որը հաշվետու տարվա նկատմամբ 9.6%-ի չափով պակաս է եղել:

Ծրագրերի շրջանակներում իրականացվող միջոցառումները ներկայացված են ստորև:

Աղյուսակ 2

Ծրագրերի շրջանակներում իրականացվող միջոցառումներ

	Ծրագիր/միջոցառում	Գումար հազ. դրամ
1068	Ժողովրդագրական վիճակի բարելավում	27,077,113.97
1068-11001	Մինչև 2 տարեկան երեխայի խնամքի նպաստի տրամադրման ապահովում	20,535.15
1068-12001	Մինչև 2 տարեկան երեխայի խնամքի նպաստ	8,696,842.90
1068-12002	Երեխայի ծննդյան միանվագ նպաստ	18,359,735.92
1102	Կենսաթոշակային ապահովություն՝ այդ թվում	275,910,344.35
1102-11001	Կենսաթոշակների և այլ դրամական վճարների տրամադրման տեղեկատվական միասնական համակարգերի սպասարկում և շահագործում	58,140.00
1102-11002	Կենսաթոշակների և այլ դրամական վճարների իրականացման ապահովում	1,156,452.41
1102-11003	Կենսաթոշակների ձևաթղթերի տպագրություն	770.00
1102-12001	Սպայական անձնակազմի և նրանց ընտանիքների անդամների կենսաթոշակներ	32,587,722.78
1102-12002	Շարքային զինծառայողների և նրանց ընտանիքների անդամների զինվորական կենսաթոշակներ	574,259.72

1102-12003	Աշխատանքային կենսաթոշակներ	238,611,513.98
1102-12004	ՀՀ օրենքով նշանակված կենսաթոշակներ	2,921,485.46
1205	Սոցիալական ապահովություն՝ այդ թվում	95,196,380.02
1205-12001	Ծերության, հաշմանդամության, կերակրողին կորցնելու դեպքում նպաստներ	26,307,560.19
1205-12002	Կենսաթոշակառուի, ծերության, հաշմանդամության, կերակրողին կորցնելու դեպքում նպաստառուի մահվան դեպքում տրվող թաղման նպաստ	5,819,535.51
1205-12004	Աջակցություն հաշմանդամ դարձած զինծառայողներին և զոհվածների ընտանիքներին	276,400.00
1205-12005	Աջակցություն զոհվածների ընտանիքներին	3,411,583.33
1205-12007	ՀՀ ՊՆ, ՀՀ ԿԱ ԱԱԾ կրտսեր, միջին, ավագ և ՀՀ ԿԱ ՀՀ ոստիկանության միջին, ավագ, գլխավոր սպայական անձնակազմին սոցիալական աջակցություն	1,207.46
1205-12010	Ռազմական դրությամբ պայմանավորված միանվագ դրամական օգնություն Արցախում հաշվառված քաղաքացիներին	27,535,321.03
1205-12011	Ռազմական դրությամբ պայմանավորված՝ աջակցություն Ադրբեջանի Հանրապետության վերահսկողության տակ անցած տարածքներում հաշվառված քաղաքացիներին	7,057,800.00
1205-12012	ՀՀ ՊՆ զինվորական կոչում ունեցող անձնակազմին սոցիալական աջակցություն	3,598.90
1205-12014	Ռազմական դրությամբ պայմանավորված դրամական աջակցություն վնասվածք կամ խեղում ստացած զինծառայողներին	48,800.00
1205-12015	Ռազմական դրությամբ պայմանավորված՝ աջակցություն Արցախի բնակչությանը	11,614,023.60
1205-12016	Ռազմական դրությամբ պայմանավորված՝ դրամական աջակցություն Արցախի Հանրապետությունում հաշվառված եւ հաշվառման հասցեում գտնվող բնակելի անշարժ գույքը կորցրած քաղաքացիներին	1,554,750.00
1205-12021	Ռազմական դրությամբ պայմանավորված՝ Արցախի վերահսկողության ներքո գտնվող համայնքների	258,225.00

	հաշվառման հասցեում գտնվող բնակելի անշարժ գույքը կորցրած չափահաս քաղաքացիներին ժամանակավոր հյուրընկալողների ծախսերի փոխհատուցման եռամսյա սոցիալական աջակցության տրամադրում	
1205-12022	Ռազմական դրությամբ պայմանավորված՝ Արցախի Հանրապետության վերահսկողությունից դուրս մնացած համայնքներում հաշվառված չափահաս քաղաքացիներին ժամանակավոր հյուրընկալողների ծախսերի փոխհատուցման վեցամսյա սոցիալական աջակցության տրամադրում	2,124,000.00
1205-12023	2020 թ. սեպտեմբերի 27-ից Ադրբեջանի կողմից Արցախի դեմ սանձազերծված ռազմ. գործող. հետեւանքով վիրավորում ստացած զինծառայողներին սոցիալական աջակցության տրամադրում	3,688,000.00
1205-12024	Ռազմ. դրությամբ պայմանավորված՝ ՀՀ Սյունիքի մարզի Շուռնուխ եւ Որոտան բն. գտնվող եւ Ադրբեջանի վերահսկողության տակ անցած բնակելի անշարժ գույքի հասցեում հաշվառ. կամ այդ հասցեում փաստացի բնակված քաղաքացիներին դրամ. աջակցություն	14,620.00
1205-12025	Ռազմ. դրությամբ պայման.՝ Արցախի Հանր. վերահսկողությունից դուրս մնացած համայնքներում հաշվառված չափահաս քաղ-ին ժամանակ. հյուրընկալողների ծախս. փոխհատուցման եռամսյա սոց. աջակցության տրամադրում իրավ.անձանց եւ անհատ ձեռնարկատերերին	42,330.00
1205-12027	Արցախի Հանրապետությունից տեղահանված կամ Արցախի Հանրապետությունում բնակելի անշարժ գույքը կորցրած քաղաքացիներին 4 ամիս ժամկետով աջակցություն	5,438,625.00

Ժողովրդագրական վիճակի բարելավում ծրագրի՝ Երեխայի ծննդյան միանվագ նպաստ միջոցառման շրջանակում, ըստ տարեկան ճշտված պլանի, պետք է 38,982 շահառուի տրամադրվեր 18,799,200 հազ. դրամ: Տարվա ընթացքում փաստացի տրամադրվել է 18,359,735.92 հազ. դրամ՝ 35,196 շահառուի: Հաշվետու ժամանակահատվածի պլանավորվածից 439,464.08 հազ. դրամ պակաս տրամադրելը, ըստ ոչ ֆինանսական ցուցանիշների, պայմանավորված է ճշտված

բյուջեով նախատեսված և փաստացի ծնված երեխաների (համապատասխան կարգաթվերի) տարբերությամբ, ինչպես նաև՝ վերջին ամիսների համեմատ դեկտեմբեր ամսվա պահանջի նվազմամբ, իսկ 3,786-ով շահառուների թվաքանակի նվազումը պայմանավորված է իրավունք ձեռք բերած և փաստացի նորածինների կարգաթվերով ստացող նպաստառուների թվաքանակով:

Կենսաթոշակային ապահովություն ծրագրի սպայական անձնակազմի և նրանց ընտանիքների անդամների կենսաթոշակներ միջոցառման շրջանակում, ըստ տարեկան ճշտված պլանի, պետք է 34,426 շահառուի տրամադրվեր 32,598,654.74 հազ. դրամ գումար: Տարվա ընթացքում փաստացի տրամադրվել է 32,587,722.78 հազ. դրամ գումար՝ 32,036 շահառուի: Հաշվետու ժամանակահատվածի պլանավորվածից 10,931.96 հազ. դրամ պակաս տրամադրելը, ըստ ոչ ֆինանսական ցուցանիշների, պայմանավորված է Պաշտպանության բանակից 30.12.2021թ. հետ վերադարձրած 10.3 մլն դրամով, իսկ 2,390-ով շահառուների թվաքանակի նվազումը պայմանավորված է ճշտված բյուջեով նախատեսված և փաստացի կենսաթոշակառուների թվաքանակի տարբերությունով:

Կենսաթոշակային ապահովություն ծրագրի շրջանակում աշխատանքային կենսաթոշակները, ըստ տարեկան ճշտված պլանի, պետք է տրամադրվեին 455,566 շահառուի՝ 238,939,918.9 հազ. դրամ ընդհանուր գումարով: Տարվա ընթացքում փաստացի 439,226 շահառուի տրամադրվել է 238,611,513.98 հազ. դրամ գումար: Հաշվետու ժամանակահատվածի պլանավորվածից 328,404.92 հազ. դրամ պակաս տրամադրելը, ըստ ոչ ֆինանսական ցուցանիշների, պայմանավորված է նախատեսված (իրավունք ձեռք բերած) և փաստացի կենսաթոշակառուների թվաքանակով, իսկ 16,340-ով շահառուների թվաքանակի նվազումը պայմանավորված է ճշտված բյուջեով (իրավունք ձեռք բերած) նախատեսված և փաստացի կենսաթոշակառուների թվաքանակով, ինչպես նաև՝ հանրապետությունից բացակայելու հանգամանքով:

Սոցիալական ապահովություն ծրագրի Աջակցություն զոհվածների ընտանիքներին միջոցառման շրջանակում, ըստ տարեկան ճշտված պլանի, պետք է տրամադրվեր 3,433,500 հազ. դրամ: Տարվա ընթացքում փաստացի տրամադրվել է

3,411,583.33 հազ. դրամ: Հաշվետու ժամանակահատվածի պլանավորվածից 21,916.67 հազ. դրամ պակաս տրամադրելը, ըստ ոչ ֆինանսական ցուցանիշների, պայմանավորված է միջոցառման գծով ուժային կառույցներից ստացված փաստացի պահանջով:

Սոցիալական ապահովություն ծրագրի Ռազմական դրությամբ պայմանավորված՝ միանվագ դրամական օգնություն Արցախում հաշվառված քաղաքացիներին միջոցառման շրջանակում, ըստ տարեկան ճշտված պլանի, պետք է 424,873 շահառուի տրամադրվեր 27,906,754 հազ. դրամ: Տարվա ընթացքում փաստացի տրամադրվել է 27,535,321.03 հազ. դրամ՝ 408,180 շահառուի: Հաշվետու ժամանակահատվածի պլանավորվածից 371,432.97 հազ. դրամ պակաս տրամադրելը, ըստ ոչ ֆինանսական ցուցանիշների, պայմանավորված է միջոցառման գծով փաստացի դիմում ներկայացրած շահառուների քանակով և պահանջով, իսկ 16,693-ով շահառուների նվազեցումը պայմանավորված է միջոցառման գծով փաստացի դիմում ներկայացրած շահառուների քանակով:

Սոցիալական ապահովություն ծրագրի Ռազմական դրությամբ պայմանավորված՝ աջակցություն Ադրբեջանի Հանրապետության վերահսկողության տակ անցած տարածքներում հաշվառված քաղաքացիներին միջոցառման շրջանակում, ըստ տարեկան ճշտված պլանի, պետք է 23,659 շահառուի տրամադրվեր 7,061,725 հազ. դրամ: Տարվա ընթացքում փաստացի տրամադրվել է 7,057,800 հազ. դրամ՝ 23,526 շահառուի: Հաշվետու ժամանակահատվածի պլանավորվածից 3,925 հազ. դրամ պակաս տրամադրելը և 133-ով շահառուների նվազեցումը, ըստ ոչ ֆինանսական ցուցանիշների, պայմանավորված է միջոցառման գծով փաստացի դիմում ներկայացրած շահառուների քանակով և պահանջով:

Սոցիալական ապահովություն ծրագրի Ռազմական դրությամբ պայմանավորված՝ աջակցություն Արցախի բնակչությանը միջոցառման շրջանակում, ըստ տարեկան ճշտված պլանի, պետք է տրամադրվեր 11,614,023.6 հազ. դրամ: Տարվա ընթացքում փաստացի տրամադրվել է 11,614,023.6 հազ. դրամ: Ըստ ոչ ֆինանսական ցուցանիշների՝ հաշվետու ժամանակահատվածի ճշտված պլանի և փաստացի վճարվածի միջև տարբերություն առկա չէ:

Սոցիալական ապահովություն ծրագրի Ռազմական դրությամբ պայմանավորված՝ դրամական աջակցություն Արցախի Հանրապետությունում հաշվառված և հաշվառման հասցեում գտնվող բնակելի անշարժ գույքը կորցրած քաղաքացիներին միջոցառման շրջանակում, ըստ տարեկան ճշտված պլանի, պետք է 6,243 շահառուի տրամադրվեր 1,560,750 հազ. դրամ: Տարվա ընթացքում փաստացի տրամադրվել է 1,554,750 հազ. դրամ՝ 6,219 շահառուի: Հաշվետու ժամանակահատվածի պլանավորվածից 6,000.0 հազ. դրամ պակաս տրամադրելը և 24-ով շահառուների նվազեցումը պայմանավորված է միջոցառման գծով փաստացի դիմում ներկայացրած շահառուների քանակով և պահանջով:

Սոցիալական ապահովություն ծրագրի Ռազմական դրությամբ պայմանավորված՝ Արցախի վերահսկողության ներքո գտնվող համայնքների հաշվառման հասցեում գտնվող բնակելի անշարժ գույքը կորցրած չափահաս քաղաքացիներին ժամանակավոր հյուրընկալողների ծախսերի փոխհատուցման եռամսյա սոցիալական աջակցության տրամադրում միջոցառման շրջանակում, ըստ տարեկան ճշտված պլանի, պետք է 2,626 շահառուի տրամադրվեր 259,610 հազ. դրամ: Տարվա ընթացքում փաստացի տրամադրվել է 258,225 հազ. դրամ՝ 8,261 շահառուի: Հաշվետու ժամանակահատվածի պլանավորվածից 1,385 հազ. դրամ պակաս տրամադրելը, ըստ ոչ ֆինանսական ցուցանիշների, պայմանավորված է միջոցառման գծով փաստացի դիմում ներկայացրած շահառուների քանակով և պահանջով, իսկ 5,635-ով շահառուների ավելացումը պայմանավորված է նախատեսված պլանային ցուցանիշի միջին թվի համեմատ փաստացի ցուցանիշի (յուրաքանչյուր ամսվա փաստացի ստացողների) հանրագումարային թվի տարբերությամբ:

Սոցիալական ապահովություն ծրագրի Ռազմական դրությամբ պայմանավորված՝ Արցախի Հանրապետության վերահսկողությունից դուրս մնացած համայնքներում հաշվառված չափահաս քաղաքացիներին ժամանակավոր հյուրընկալողների ծախսերի փոխհատուցման վեցամսյա սոցիալական աջակցության տրամադրում միջոցառման շրջանակում, ըստ տարեկան ճշտված պլանի, պետք է 5,758 շահառուի տրամադրվեր 2,129,720 հազ. դրամ: Տարվա ընթացքում փաստացի տրամադրվել է 2,124,000 հազ. դրամ՝ 66,925 շահառուի: Հաշվետու ժամանակահատվածի պլանավորվածից 5,720

հազ. դրամ պակաս տրամադրելը, ըստ ոչ ֆինանսական ցուցանիշների, պայմանավորված է միջոցառման գծով փաստացի դիմում ներկայացրած շահառուների քանակով և պահանջով, իսկ 61,167-ով շահառուների ավելացումը պայմանավորված է նախատեսված պլանային ցուցանիշի միջին թվի համեմատ փաստացի ցուցանիշի (յուրաքանչյուր ամսվա փաստացի ստացողների) հանրագումարային թվի տարբերությամբ:

Սոցիալական ապահովություն ծրագրի 2020 թ. սեպտեմբերի 27-ից Ադրբեյջանի կողմից Արցախի դեմ սանձազերծված ռազմական գործողությունների հետեւանքով վիրավորում ստացած զինծառայողներին սոցիալական աջակցության տրամադրում միջոցառման շրջանակում, ըստ տարեկան պլանի, պետք է 7,420 շահառուի տրամադրվեր 3,710,000 հազ. դրամ: Տարվա ընթացքում փաստացի տրամադրվել է 3,688,000 հազ. դրամ՝ 7,385 շահառուի: Հաշվետու ժամանակահատվածի պլանավորվածից 22,000 հազ. դրամ պակաս տրամադրելը և շահառուների քանակի 35-ով պակասեցումը, ըստ ոչ ֆինանսական ցուցանիշների, պայմանավորված է միջոցառման գծով փաստացի դիմում ներկայացրած շահառուների քանակով:

Գնումների կազմակերպման գործընթացի վերաբերյալ

Միասնական սոցիալական ծառայության 2021 թվականի տարեսկզբին հաստատված գնումների պլանով նախատեսվել է 1,880,465.0 հազ. դրամ գումար: Միասնական սոցիալական ծառայության կողմից ներկայացված տեղեկատվության համաձայն՝ 2021թ. գնումների պլանից մինչև 2021 թվականի դեկտեմբերի 31-ը ներառյալ կազմակերպված թվով 139 գնման ընթացակարգերի շրջանակներում կնքվել է թվով 173 պայմանագիր՝ ընդհանուր 1,980,602.4 հազ. դրամ պայմանագրային արժեքով, որից՝ գազի, գազասպառման համակարգի տեխնիկական սպասարկման, էլեկտրականության և խմելու ջրի բաշխման, հանրային հեռախոսային, փոստային, բանկային, ոչ բնակելի անշարժ գույքի վարձակալության կամ լիզինգի, ախտահանման և մակաբույծների ոչնչացման, հրշեջ անվտանգության մասնագիտացված ծառայությունների համար կնքվել է թվով 52 պայմանագիր՝ ընդհանուր 1,733,696.5 հազ. դրամ պայմանագրային արժեքով: Նշված պայմանագրերի շրջանակներում

ներկայացված կատարողականներով մինչև 2021 թվականի դեկտեմբերի 31-ը ներառյալ վճարվել է ընդհանուր 1,922,020.5 հազ. դրամ, որից գազի, գազասպառման համակարգի տեխնիկական սպասարկման, էլեկտրականության և խմելու ջրի բաշխման, հանրային հեռախոսային, փոստային, բանկային, ոչ բնակելի անշարժ գույքի վարձակալության կամ լիզինգի, ախտահանման և մակաբույծների ոչնչացման, հրշեջ անվտանգության մասնագիտացված ծառայությունների համար՝ 1,689,545.6 հազ. դրամ:

Հաշվեքննության շրջանակներում ղեկավարվելով ՀՀ հաշվեքննիչ պալատի մասին ՀՀ օրենքի 33 հոդվածի 3-րդ մասի 4-րդ կետով՝ ՀՀ հաշվեքննիչ պալատի կողմից 07.10.2021թ. արտաքին հաստատման հարցում է ուղարկվել ՀՀ պետական եկամուտների կոմիտե: ՀՀ պետական եկամուտների կոմիտեի կողմից 21.10.2021թ. թիվ 01/71-6/66742-2021 գրության համաձայն՝ պահանջված տեղեկատվությունը չի տրամադրվել հետևյալ պատճառաբանություններով.

Հաշվի առնելով այն հանգամանքը, որ ՀՀ հաշվեքննիչ պալատի կողմից գրությամբ խնդրարկված տեղեկատվությունը հանդիսանում է հարկային գաղտնիք, ինչպես նաև՝ անձնական տվյալներ պարունակող տեղեկատվություն, հայտնվում է, որ բացակայում են այդ տեղեկատվությունը ՀՀ հաշվեքննիչ պալատին տրամադրելու իրավական հիմքերը, ուստի՝ այն ենթակա չէ տրամադրման:

5. Անհամապատասխանությունների վերաբերյալ գրառումներ

1. 1205-12010 Ռազմական դրությամբ պայմանավորված՝ միանվագ դրամական օգնություն Արցախում հաշվառված քաղաքացիներին

ՀՀ կառավարության 2020 թվականի նոյեմբերի 16-ի «Արցախում հաշվառված կամ փաստացի բնակված քաղաքացիներին աջակցության միջոցառումը հաստատելու մասին» թիվ 1799-Լ որոշմամբ հաստատված հավելվածի 1-ին կետի համաձայն, միջոցառման նպատակն է՝ սոցիալական աջակցություն տրամադրել Ադրբեյջանի կողմից 2020 թվականի սեպտեմբերի 27-ին սանձազերծված պատերազմի հետևանքով տեղահանված և փաստացի Հայաստանի Հանրապետությունում գտնվող Արցախի քաղաքացիներին, որոնք ունեն Արցախի հաշվառում, կամ՝ Արցախի Հանրապետության աշխատանքի, սոցիալական և բնակարանային հարցերի նախարարությունից ստացված տեղեկատվության համաձայն՝ փաստացի բնակվել են Արցախի Հանրապետությունում (անկախ՝ Արցախի Հանրապետության բնակավայրի հասցեով հաշվառված լինելու հանգամանքից): Սոցիալական աջակցությունն Արցախի քաղաքացուն տրամադրվում է նաև այն դեպքում, եթե նա վերադարձել է Արցախ:

ՀՀ կառավարության 2020 թվականի նոյեմբերի 18-ի «Արցախում հաշվառված կամ փաստացի բնակված քաղաքացիներին աջակցության տրամադրման կարգը հաստատելու մասին» թիվ 1813-Լ որոշմամբ հաստատված կարգի 1-ին կետի համաձայն, կարգով կարգավորվում են Ադրբեյջանի կողմից 2020 թվականի սեպտեմբերի 27-ին սանձազերծած պատերազմի հետևանքով տեղահանված և փաստացի Հայաստանի Հանրապետությունում գտնվող կամ Արցախ վերադարձած՝ 2020 թվականի նոյեմբերի 16-ի դրությամբ Արցախում հաշվառված քաղաքացիներին (այդ թվում՝ մինչև 18 տարեկան երեխաներին), 2020 թվականի նոյեմբերի 16-ից հետո Արցախում հաշվառված երեխաներին (այսուհետ՝ շահառու) աջակցության տրամադրմանը (նշանակելուն և վճարելուն) առնչվող հարաբերությունները:

Ազգային Անվտանգության Ծառայության կողմից տրամադրված տեղեկատվության համադրումից պարզվեց, որ.

- Շահառու հանդիսացած անձանցից (բանկերի միջոցով իրականացված վճարումներով), ըստ ստացված տեղեկատվության, Հայաստանի Հանրապետության տարածքից 271 անձանց մոտ (554 հատ վճարում) վերջին սահմանահատումը եղել է 2020 թվականի հունվարի 1-ից առաջ:
- Շահառու հանդիսացած անձանցից (Հայփոստի միջոցով իրականացված վճարումներով), ըստ ստացված տեղեկատվության, Հայաստանի Հանրապետության տարածքից 872 անձանց մոտ (872 հատ վճարում) վերջին սահմանահատումը եղել է 2020 թվականի հունվարի 1-ից առաջ:

Հաշվեքննության օբյեկտի բացատրություն.

Նշված անհամապատասխանությունների 1-ին ենթակետի վերաբերյալ հաշվեքննության օբյեկտի կողմից տրամադրված մեկնաբանությունը ներկայացված է Հավելված 1.1-ում:

Նշված անհամապատասխանությունների 2-րդ ենթակետով նշված և Ծառայությանը տրամադրած ցանկում ներառված 872 անձանցից 792-ը չափահաս են, իսկ «Հայփոստ» ՓԲԸ-ի կողմից չափահաս անձի վճարումը պետք է իրականացվեր բացառապես շահառուին անձամբ տեսնելու և նույնականացնելու դեպքում: Հարկ է նկատի ունենալ, որ Ծառայությունը վճարման ցուցակները ձևավորել է ՀՀ Կառավարության 18 նոյեմբերի 2020 թվականի N 1813-Լ որոշման պահանջներին համապատասխան, որտեղ սահմանը հատելու պայմանի ստուգում նախատեսված չէ, սակայն **կանխիկ եղանակով իրականացված վճարման փաստը ինքնին ենթադրում է անձի նույնականացում, որի հիմքերը հարկավոր է պահանջել «Հայփոստ» ՓԲԸ-ից:**

Հաշվեքննող խմբի արձագանքը.

Հավելված 1.1-ում նշված անձանց մասով ներկայացված բացատրությունների համաձայն Միասնական սոցիալական ծառայության կողմից համաձայն ՀՀ Կառավարության 2021 թվականի փետրվարի 18-ի 218-Լ որոշման 3-րդ կետի շահառուների փվյալները ուղարկվել են ՀՀ ԱԱԾ 2021 թվականի մարտի 1-ի, ապրիլի 1-

ի, մայիսի 1-ի և հունիսի 1-ի դրությամբ անձի վերջին սահմանահատման վերաբերյալ տվյալները ստանալու նպատակով: ՀՀ Կառավարության 2021 թվականի փետրվարի 18-ի 218-Լ որոշման հավելվածի 16.3 կետի հիմքով Արցախի Հանրապետության աշխատանքի, սոցիալական և միգրացիայի հարցերի նախարարությունը հերքել է անձի բացակայության տվյալները և հաստատել 2021 թվականի մարտի 1-ի, ապրիլի 1-ի, մայիսի 1-ի և հունիսի 1-ի դրությամբ ՀՀ-ում կամ Արցախում գտնվելու փաստը:

Շահառու հանդիսացած անձանցից (բանկերի միջոցով իրականացված վճարումներով), ըստ ստացված բացատրության, Հայաստանի Հանրապետության տարածքից 118 անձանց մոտ (215 հափ վճարում) վերջին սահմանահատումը եղել է 2021 թվականի մարտի 1-ից, ապրիլի 1-ից, մայիսի 1-ից և հունիսի 1-ից առաջ: Ինչպես նաև բացակայում է ՀՀ Կառավարության 2021 թվականի փետրվարի 18-ի 218-Լ որոշման հավելվածի 16.3 կետի հիմքով Արցախի Հանրապետության աշխատանքի, սոցիալական և միգրացիայի հարցերի նախարարության հերքումը և 2021 թվականի մարտի 1-ի, ապրիլի 1-ի, մայիսի 1-ի և հունիսի 1-ի դրությամբ ՀՀ-ում կամ Արցախում գտնվելու փաստի հաստատումը:

Տվյալ անձանց հափկացվել է 14,623.04 հազ.դրամ (Հավելված 1.1):

Հավելված 1.2-ում նշված անձանց մասով ներկայացված բացատրությունների համաձայն Շահառու հանդիսացած անձանցից (Հայփոստի միջոցով իրականացված վճարումներով), վճարում չի իրականացվել 271 անձանց:

Հայաստանի Հանրապետության տարածքից 529 չափահաս անձանց մոտ (529 հափ վճարում) վերջին սահմանահատումը եղել է 2020 թվականի հունվարի 1-ից առաջ: Տվյալ անձանց վճարվել է 40,629.162 հազ.դրամ (Հավելված 1.2):

2. 1205-12021 Ռազմական դրությամբ պայմանավորված՝ Արցախի վերահսկողության ներքո գտնվող համայնքների հաշվառման հասցեում գտնվող բնակելի անշարժ գույքը կորցրած չափահաս քաղաքացիներին ժամանակավոր հյուրընկալողների ծախսերի փոխհատուցման եռամսյա սոցիալական աջակցության տրամադրում, 1205-12022 Ռազմական դրությամբ պայմանավորված՝ Արցախի Հանրապետության վերահսկողությունից դուրս

մնացած համայնքներում հաշվառված չափահաս քաղաքացիներին ժամանակավոր հյուրընկալողների ծախսերի փոխհատուցման վեցամսյա սոցիալական աջակցության տրամադրում:

ՀՀ կառավարության 2020 թվականի դեկտեմբերի 24-ի «2020 թվականի սեպտեմբերի 27-ից Ադրբեջանի Հանրապետության կողմից Արցախի Հանրապետության ուղղությամբ սկսված ռազմական գործողությունների հետևանքով Արցախի հանրապետության վերահսկողության ներքո գտնվող համայնքների հաշվառման հասցեում գտնվող բնակելի անշարժ գույքը ավերածությունների հետևանքով կամ այլ պատճառներով կորցրած չափահաս քաղաքացիներին ժամանակավոր հյուրընկալողների ծախսերի փոխհատուցման սոցիալական աջակցության տրամադրման կարգը հաստատելու մասին» թիվ 2148-Լ որոշմամբ հաստատված կարգի 1-ին կետի համաձայն, կարգով կարգավորվում են 2020 թվականի սեպտեմբերի 27-ից Ադրբեջանի Հանրապետության կողմից Արցախի Հանրապետության ուղղությամբ սկսված ռազմական գործողությունների հետևանքով տեղահանված և փաստացի Հայաստանի Հանրապետությունում գտնվող քաղաքացիներին ժամանակավորապես հյուրընկալված այն ֆիզիկական անձանց սոցիալական աջակցության տրամադրմանը (նշանակելուն և վճարելուն) առնչվող հարաբերությունները, որոնք հյուրընկալել են Հայաստանի Հանրապետության կառավարության 2020 թվականի դեկտեմբերի 10-ի թիվ 2021-Լ որոշմամբ շահառու հանդիսացող չափահաս քաղաքացիներին:

ՀՀ կառավարության 2020 թվականի դեկտեմբերի 3-ի «2020 թվականի սեպտեմբերի 27-ից Ադրբեջանի Հանրապետության կողմից Արցախի Հանրապետության ուղղությամբ սկսված ռազմական գործողությունների հետևանքով Արցախի Հանրապետության վերահսկողությունից դուրս մնացած համայնքներում հաշվառված չափահաս քաղաքացիներին ժամանակավոր հյուրընկալողների ծախսերի փոխհատուցման վեցամսյա սոցիալական աջակցության միջոցառումը հաստատելու մասին» թիվ 1977-Լ որոշմամբ հաստատված հավելվածի 1-ին կետի համաձայն, միջոցառման նպատակն է՝ սոցիալական աջակցություն տրամադրել 2020 թվականի սեպտեմբերի 27-ից Ադրբեջանի Հանրապետության կողմից Արցախի

Հանրապետության ուղղությամբ սկսված ռազմական գործողությունների հետևանքով տեղահանված և փաստացի Հայաստանի Հանրապետությունում կամ Արցախի Հանրապետությունում գտնվող քաղաքացիներին ժամանակավորապես հյուրընկալված ֆիզիկական անձանց (այսուհետ՝ հյուրընկալ), որոնք հյուրընկալել են Հայաստանի Հանրապետության կառավարության 2020 թվականի նոյեմբերի 21-ի թիվ 1820-Լ որոշման շահառու հանդիսացող չափահաս քաղաքացիներին (այսուհետ՝ հյուրընկալվող):

Ազգային Անվտանգության Ծառայության կողմից տրամադրված տեղեկատվության համադրումից պարզվեց, որ.

- Շահառու հանդիսացած անձանցից, ըստ ստացված տեղեկատվության, Հայաստանի Հանրապետության տարածքից 78 անձանց մոտ (218 հատ վճարում) վերջին սահմանահատումը եղել է 2020 թվականի հունիսի 1-ից առաջ:

Հաշվեքննության օբյեկտի բացատրություն.

Նշված անհամապատասխանությունների 2-րդ կետի 1-ին եթակետի կապակցությամբ հայտնում են, որ Արցախի Հանրապետության քաղաքացիներին ժամանակավոր հյուրընկալելու ծախսերի փոխհատուցման աջակցություն սահմանող ՀՀ կառավարության 24 դեկտեմբերի 2020 թվականի N 2148-Լ և ՀՀ կառավարության 17 դեկտեմբերի 2020 թվականի N 2072-Լ որոշումներով նախատեսված չէ սահմանը հատելու պայմանի ստուգում:

Հաշվեքննող խմբի արձագանքը.

Վերը նշված որոշումներով կարգավորվում են 2020 թվականի սեպտեմբերի 27-ից Ադրբեջանի Հանրապետության կողմից Արցախի Հանրապետության ուղղությամբ սկսված ռազմական գործողությունների հետևանքով տեղահանված և **փաստացի Հայաստանի Հանրապետությունում գտնվող քաղաքացիներին** ժամանակավորապես հյուրընկալման հետ կապված հարաբերությունները:

Հավելված 2.1-ում նշված 78 անձանց մոտ (218 հատ վճարում) վերջին սահմանահատումը եղել է 2020 թվականի հունիսի 1-ից առաջ: Տվյալ անձանց հատկացվել է 7,230.0 հազ.դրամ:

3. 1205-12016 Ռազմական դրությամբ պայմանավորված՝ Արցախի Հանրապետությունում հաշվառված և հաշվառման հասցեում գտնվող բնակելի անշարժ գույքը կորցրած քաղաքացիներին միանվագ դրամական աջակցություն:

ՀՀ կառավարության 2020 թվականի դեկտեմբերի 10-ի «Արցախի Հանրապետությունում հաշվառված և հաշվառման կամ փաստացի բնակման հասցեում գտնվող բնակելի անշարժ գույքը Ադրբեջանի կողմից 2020 թվականի սեպտեմբերի 27-ին Արցախի Հանրապետության դեմ սանձազերծված պատերազմի պատճառած ավերածությունների հետևանքով կամ այլ պատճառներով կորցրած քաղաքացիների աջակցության միջոցառումը հաստատելու մասին» թիվ 2021-Լ որոշմամբ հաստատված հավելվածի 1-ին կետի համաձայն, միջոցառման նպատակն է՝ սոցիալական աջակցություն տրամադրել բնակչության պետական ռեզիստրում Արցախի Հանրապետության բնակավայրի հասցեով հաշվառված և մինչև 2020 թվականի սեպտեմբերի 27-ը առնվազն վերջին 3 ամիսը փաստացի բնակված քաղաքացիներին (այդ թվում՝ մինչև 18 տարեկան երեխաներին):

Ազգային Անվտանգության Ծառայության կողմից տրամադրված տեղեկատվության համադրումից պարզվեց, որ.

- Շահառու հանդիսացած անձանցից, ըստ ստացված տեղեկատվության, Հայաստանի Հանրապետության տարածքից 31 անձանց մոտ վերջին սահմանահատումը եղել է 2020 թվականի հունիսի 1-ից առաջ:

Հաշվեքննության օբյեկտի բացատրություն.

Նշված անհամապատասխանությունների 3-րդ կետի 1-ին ենթակետերում նշված անձանց տվյալները ներառվել են կանխիկ վճարման ցուցակներում, իսկ «Հայփոստ» ՓԲԸ-ի կողմից չափահաս անձի վճարումը պետք է իրականացվեր բացառապես

շահառուին անձամբ տեսնելու և նույնականացնելու դեպքում: Հարկ է նկատի ունենալ, որ Ծառայությունը վճարման ցուցակները ձևավորել է ՀՀ կառավարության N 2021-Լ և N 1820-Լ որոշումներով սահմանված պահանջներին համապատասխան, որտեղ սահմանը հատելու պայմանի ստուգում նախատեսված չէ, սակայն **կանխիկ եղանակով իրականացված վճարման փաստը ինքնին ենթադրում է անձի նույնականացում, որի հիմքերը հարկավոր է պահանջել «Հայփոստ» ՓԲԸ-ից:** Ներկայացվել է «Հայփոստ» ՓԲԸ-ի կողմից վճարում չկատարելու վերաբերյալ տեղեկատվությունը:

Հաշվեքննող խմբի արձագանքը.

Հավելված 3.1-ում նշված անձանց մասով ներկայացված բացատրությունների համաձայն Շահառու հանդիսացած անձանցից, 8 անձանց վճարում չի իրականացվել: Իսկ **Հայաստանի Հանրապետության տարածքից 23 անձանց մոտ վերջին սահմանահատումը եղել է 2020 թվականի հունիսի 1-ից առաջ: Տվյալ անձանց հարկացվել է 5,750.0 հազ. դրամ (Հավելված 3.1):**

4. 1205-12011 Ռազմական դրությամբ պայմանավորված՝ միանվագ դրամական աջակցություն Ադրբեջանի Հանրապետության վերահսկողության տակ անցած տարածքներում հաշվառված քաղաքացիներին:

ՀՀ կառավարության 2020 թվականի նոյեմբերի 21-ի «2020 թվականի սեպտեմբերի 27-ից Ադրբեջանի Հանրապետության կողմից Արցախի Հանրապետության դեմ սկսված պատերազմական գործողությունների հետևանքով Ադրբեջանի Հանրապետության վերահսկողության տակ անցած համայնքներում հաշվառված կամ փաստացի բնակված քաղաքացիների աջակցության միջոցառումը հաստատելու մասին» թիվ 1820-Լ որոշմամբ հաստատված հավելվածի 1-ին կետի համաձայն, միջոցառման նպատակն է՝ սոցիալական աջակցություն տրամադրել Ադրբեջանի կողմից 2020 թվականի սեպտեմբերի 27-ին սանձազերծված պատերազմի հետևանքով տեղահանված և փաստացի Հայաստանի Հանրապետությունում կամ Արցախում գտնվող Արցախի քաղաքացիներին, որոնք ունեն հաստատված ցանկում

ներառված Արցախի համայնքի հաշվառում և մինչև 2020 թվականի սեպտեմբերի 27-ը առնվազն վերջին 3 ամիսը փաստացի բնակվել են այնտեղ:

Ազգային Անվտանգության Ծառայության կողմից տրմադրված տեղեկատվության համադրումից պարզվեց, որ.

- Շահառու հանդիսացած անձանցից, ըստ ստացված տեղեկատվության Հայաստանի Հանրապետության տարածքից 270 անձանց մոտ վերջին սահմանահատումը եղել է 2020 թվականի հունիսի 1-ից առաջ:

Հաշվեքննության օբյեկտի բացատրություն.

Արձանագրության 2-րդ կետով նշված անհամապատասխանությունների 4-րդ կետի 1-ին ենթակետերում նշված անձանց տվյալները ներառվել են կանխիկ վճարման ցուցակներում, իսկ «Հայփոստ» ՓԲԸ-ի կողմից չափահաս անձի վճարումը պետք է իրականացվեր բացառապես շահառուին անձամբ տեսնելու և նույնականացնելու դեպքում: Հարկ է նկատի ունենալ, որ Ծառայությունը վճարման ցուցակները ձևավորել է ՀՀ կառավարության N 2021-Լ և N 1820-Լ որոշումներով սահմանված պահանջներին համապատասխան, որտեղ սահմանը հատելու պայմանի ստուգում նախատեսված չէ, սակայն **կանխիկ եղանակով իրականացված վճարման փաստը ինքնին ենթադրում է անձի նույնականացում, որի հիմքերը հարկավոր է պահանջել «Հայփոստ» ՓԲԸ-ից:** Ներկայացվել է «Հայփոստ» ՓԲԸ-ի կողմից վճարում չկատարելու վերաբերյալ տեղեկատվությունը:

Հաշվեքննող խմբի արձագանքը.

Հավելված 4.1-ում նշված անձանց մասով ներկայացված բացատրությունների համաձայն Շահառու հանդիսացած անձանցից, 132 անձանց վճարում չի իրականացվել: **Իսկ Հայաստանի Հանրապետության տարածքից 138 անձանց մոտ վերջին սահմանահատումը եղել է 2020 թվականի հունիսի 1-ից առաջ: Տվյալ անձանց հափկացվել է 41,400.0 հազ. դրամ (Հավելված 4.1):**

6. Այլ փաստեր

1. 1205-12010 Ռազմական դրությամբ պայմանավորված՝ միանվագ դրամական օգնություն Արցախում հաշվառված քաղաքացիներին

ՀՀ Ոստիկանության անձնագրային և վիզաների վարչության և Ազգային Անվտանգության Ծառայության կողմից տրամադրված տեղեկատվության համադրումից պարզվեց, որ.

- Շահառու հանդիսացած անձանցից (բանկերի միջոցով իրականացված վճարումներով), ըստ ստացված տեղեկատվության, 9266 անձինք (24297 հատ վճարում) 27.09.2020 թվականի դրությամբ հաշվառված չեն եղել Արցախում, որոնցից 7987 անձի մասով հաշվառման վերաբերյալ տեղեկատվությունը բացակայում է:
- Շահառու հանդիսացած անձանցից (Հայփոստի միջոցով իրականացված վճարումներով), ըստ ստացված տեղեկատվության, 2032 անձինք (2032 հատ վճարում) 27.09.2020 թվականի դրությամբ հաշվառված չեն եղել Արցախում, որոնցից 1414 անձի մասով հաշվառման վերաբերյալ տեղեկատվությունը բացակայում է:

Հաշվեքննության օբյեկտի բացառություն.

Նշված անհամապատասխանությունների 3-րդ ենթակետի վերաբերյալ հաշվեքննության օբյեկտի կողմից տրամադրված մեկնաբանությունը ներկայացված է Հավելված 1.3-ում:

Նշված անհամապատասխանությունների 4-րդ ենթակետում անձինք ներառվել են ՀՀ Կառավարության 18 նոյեմբերի 2020 թվականի N 1813-Լ որոշմամբ սահմանված աջակցության ծրագրում, որով շահառու են ճանաչվել 2020 թվականի նոյեմբերի 16-ի դրությամբ Արցախում հաշվառված քաղաքացիները (այդ թվում՝ մինչև 18 տարեկան երեխաները), 2020 թվականի նոյեմբերի 16-ից հետո Արցախում հաշվառված երեխաները և Արցախի Հանրապետությունում փաստացի բնակված (**անկախ Արցախի Հանրապետության բնակավայրի հասցեով հաշվառված լինելու հանգամանքից**) այն քաղաքացիները, ում փաստացի բնակվելու վերաբերյալ տեղեկատվությունը տրամադրվել է Արցախի Հանրապետության աշխատանքի,

սոցիալական և բնակարանային հարցերի նախարարության (այսուհետ՝ ԱՀ ԱՍԲՀՆ) կողմից:

Ստացված անձանցից 1421-ը ունեցել են հաշվառում Արցախում 2020 թվականի նոյեմբերի 16-ի դրությամբ կամ՝ մինչև 18 տարեկան երեխաները՝ 2020 թվականի նոյեմբերի 16-ից հետո, իսկ 611-ի տվյալը ստացվել է ԱՀ ԱՍԲՀՆ-ի կողմից, որպես փաստացի բնակված անձ: Ներկայացվել է հաշվառման համայնքը կամ համապատասխան հաստատման նշագրումը, ինչպես նաև «Հայփոստ» ՓԲԸ-ի կողմից վճարում չկատարելու վերաբերյալ տեղեկատվությունը:

Հաշվեքննող խմբի արձագանքը.

Շահառու հանդիսացած անձանցից (բանկերի միջոցով իրականացված վճարումներով), ըստ ստացված բացառության, Հայաստանի Հանրապետության տարածքից 152 անձանց մոտ (336 հատվածում) վերջին սահմանահատումը եղել է 2021 թվականի մարտի 1-ից, ապրիլի 1-ից, մայիսի 1-ից և հունիսի 1-ից առաջ: Սակայն առկա է ՀՀ Կառավարության 2021 թվականի փետրվարի 18-ի 218-Լ որոշման հավելվածի 16.3 կետի հիմքով Արցախի Հանրապետության աշխատանքի, սոցիալական և միգրացիայի հարցերի նախարարության հերքումը և 2021 թվականի մարտի 1-ի, ապրիլի 1-ի, մայիսի 1-ի և հունիսի 1-ի դրությամբ ՀՀ-ում կամ Արցախում գտնվելու փաստի հաստատումը:

Տվյալ անձանց մասով առկա է անհամապատասխանություն ՀՀ ԱԱԾ-ի և Արցախի Հանրապետության աշխատանքի, սոցիալական և միգրացիայի հարցերի նախարարության տեղեկատվությունների միջև: (Հավելված 1.1):

Հավելված 1.3-ում նշված անձանց մասով ներկայացված բացառությունների համաձայն շահառու հանդիսացած անձանցից (բանկերի միջոցով իրականացված վճարումներով), 4209 անձինք (9541 հատվածում) ՀՀ Կառավարության 2021 թվականի փետրվարի 12-ի 186-Լ որոշման հավելվածի 2-րդ կետի համաձայն հանդիսացել են փաստացի բնակված քաղաքացիներ, քանի որ իրենց փաստացի բնակված լինելու հանգամանքը (անկախ Արցախի Հանրապետության բնակավայրի հասցեով հաշվառված լինելու հանգամանքից) հաստատվել է ՀՀ Կառավարության 2020 թվականի նոյեմբերի 21-ի N 1820-Լ կամ ՀՀ Կառավարության 2020 թվականի

դեկտեմբերի 10-ի N 2021-Լ որոշումների շրջանակներում Արցախի Հանրապետության փարածքային կառավարման նախարարությունից ստացված տեղեկատվությամբ:

5057 անձինք (14756 հափ վճարում) ներառված են եղել ՀՀ կառավարության 2021 թվականի փետրվարի 12-ի 186-Լ որոշման 3-րդ կետի և ՀՀ կառավարության 2021 թվականի փետրվարի 18-ի 218-Լ որոշման 6-րդ կետի համաձայն ՀՀ Ոստիկանության կողմից 2021 թվականի փետրվարի 10-ի դրությամբ՝ Արցախի Հանրապետության բնակավայրի հասցեով հաշվառված անձանց (այդ թվում՝ մինչև 18 տարեկան երեխաների) փվյալներում: **Տվյալ անձանց մասով բացակայում է վերը նշված Արցախի Հանրապետության փարածքային կառավարման նախարարությունից ստացված տեղեկատվությունը:**

Տվյալ անձինք ըստ ստացված տեղեկատվության 27.09.2020 թվականի դրությամբ հաշվառված չեն եղել Արցախի Հանրապետությունում: Սակայն ՀՀ Ոստիկանության կողմից 2021 թվականի փետրվարի 10-ի դրությամբ Միասնական Սոցիալական ծառայությանը տրամադրված տեղեկատվության համաձայն փվյալ անձինք հաշվառված են եղել Արցախի Հանրապետությունում: Հետևաբար հաշվառումը իրականացվել է նշված ժամանակահատվածում՝ 27.09.2020թ.-ից 10.02.2021 թ.:

Տվյալ անձանց հափկացվել է 1,005,071.512 հազ.դրամ (Հավելված 1.3):

Հավելված 1.4-ում նշված անձանց մասով ներկայացված բացատրությունների համաձայն 1421-ը ունեցել են հաշվառում Արցախում 2020 թվականի նոյեմբերի 16-ի դրությամբ կամ՝ մինչև 18 տարեկան երեխաները՝ 2020 թվականի նոյեմբերի 16-ից հետո: Տվյալ անձանցից վճարում չի իրականացվել 11 անձին:

1410 անձանց մասով ըստ ստացված տեղեկատվության 27.09.2020 թվականի դրությամբ հաշվառված չեն եղել Արցախի Հանրապետությունում: Սակայն ՀՀ Ոստիկանության կողմից 2021 թվականի փետրվարի 10-ի դրությամբ Միասնական Սոցիալական ծառայությանը տրամադրված տեղեկատվության համաձայն փվյալ անձինք հաշվառված են եղել Արցախի Հանրապետությունում: Հետևաբար հաշվառումը իրականացվել է նշված ժամանակահատվածում՝ 27.09.2020թ.-ից 10.02.2021 թ.:

Տվյալ անձանց հատկացվել է 116,443.088 հազ.դրամ (Հավելված 1.4):

ՀՀ հաշվեքննիչ պալատի անդամ



Ա. Բախչագույան